

BLA BLA

ds erste mal wo du hesch gschribe
hesch mi im sturm verführt
i jedes wort u jedi zile
hani mi buechstäblech verliebt

ohni punkt u ohni komma
hesch du vo dir verzellt
u ohni das i di mal gseh ha
hesch alls i schatte gstellt

stunde studiere i
a de richtige wort für di
aber als woni säge wett
gseht wes gschribe isch nach nüt me us

s'sött charmant u witzig sy
u inhalt u tiefi ha
doch langsam verzweifl i alles woni gseh isch nid viel meh als

bla bla bla bla bla bla

woni di z erste mal ha troffe
het mini stimm verseit
vo mine gfuehl wi überfahre
bini fasch i ohnmacht gheit

u weni gnauer wett beschribe
wie mi di erst blick troffe het
de müesst i wort derfür erfinde
oder e sprach wos no nid git

legere u locker sy
isch no nie so schwirig gsy
immer wi meh verlieri mi
u i hoffe sehr du merksches ni

drum gib mer none momänt
i mache dir es komplimänt
i weis genau wis würdi gah
aber irgendwie tönt alles hie nach bla

bla bla bla bla bla bla

langsam getrou i mi u erkläre dir das i süsch nid so bi
nid weiss warum das isch vilech wöll du mir so wichtig bisch
du lächlich mi chli us u seisch jetz chömisch nümme drus
i überzügi di scho vo ahfang ah aber du verzellisch leider nume bla